

Date – 06/09/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Chief Minister Pu Lalduhoma'n Home Ministry atanga thupek an dawn angin Mizorama Myanmar raltlan chhinchhiahna chu kalpui mek a ni a ti.
2. Aizawl khawpui tlak lam vek 11 thlanchhuah te ek thli lakhawma sawngbawlna tur project 'Small Bore Sewerage & Septage Treatment for Aizawl Zone -7' chu vawiin khan hawn a ni.
3. Prime Minister Narendra Modia chuan tui humhalhna tur hmalakna Jal Sanchay Jan Bhagidari Initiative Gujarat ah a hawng.
4. Russian President Vladimir Putin-a chuan India, Brazil leh China te chu Ukraine buainaah remna siam tura hmalatu an ni thei a ti.

<><><>

CM

Chief Minister Pu Lalduhoma'n Home Ministry atanga thupek an dawn angin Mizorama Myanmar raltlan chhinchhiahna chu kalpui mek a ni a ti.

He thu hi nimina Indiana State, USA a cheng Chin Community te hun a hmanpui na ah zawhna chhangin a sawi a, Pu Lalduhoma chuan raltlan chhinchhiahna Biometric identification chu sawrkar hmasa atanga kalpui ani tih sawiin inthlan a hnaih tak avangin tih chhonzawm a ni lo a, an sorkar hnuah raltlan chhinchhiahna portal an enfiakhna chuan portal-a duhthlan tur pahnih an dah chu thil tvisual chhinchhiahna leh dan loa lut chhinchhiahna tur anih avangin an pawm ta lo a ni a ti a, Prime Minister hnenah ngenin Home Ministry atangin portal thar an siam tir leh tih sawiin raltlan chhinchhiahna chu ramchhung hmun hrang hrangah an kalpui mek tih a sawi.

Chief Minister chuan raltlan te pun chang leh kiam chang awm mahse an inziah luh vek a ngai dawn a ti a, raltlante chu a chang leh nupui pasal neiin Kohhran leh YMA ah member tangkai tak pawh an awm a ti a, tun hnaia MCS exam ah ti tha tak pawh an awm tih sawiin inthliar chu a theih vek loh mahse a theih chinah India sawrkar duhdan an zawm ve zel tih a sawi.

(BYTE)

Pu Lalduhoma'n hian he hunah hian thenawm ram Myanmar leh India Ramri hung chu engtik lai mahin an pawm ngai dawnlo a ti a, barhluih ramri British ten an siam chu engtik lai mahin an pawm ngai dawnlo a ti a, Sawrkar pathum hnuai diklo taka thehdarha an awm chu pawm harsa anti tih sawiin Myanmar leh India inkalpawhna hung tura Sawrkar laipui hmalakna chu engtik lai mahin an pawm ngai dawnlo tih a sawi.

(BYTE)

Pu Lalduhoma chuan Chin National Army leh Chin Brotherhood leh ZRA te inkarah inremna awm se an duh tih sawiin Arakan Army te nen pawh inrem a duh a ti a, Arakan Army te nena inhmuhthiamloh chuan anmahni aia chak zawk an nih avangin an hneh dawnlo a, Myanmar buaina chu Mizorama hnuh luha Lawngtlai thlenga an rawn tihbuai a hlauhawm avangin Arakan Army chu rem a pawimawh thu a sawi baw.

Chief Minister chuan Kaladan Multimodal Transit Transport Project chungchangah Arakan Army te nen an inbia tih sawiin kawngpui chu tlang thuai thuai se an duh a, India sawrkar leh Mizoram pawhin kawngpui tlang chu an duh ber tih sawiin a bul hnaia mi cheng ten eizawna an hmuh theih phah a beisei tih a sawi bawk.

(CORR)

<><><>

HIGH COURT CRECHE

Gauhati High Court Mizoram Bench building ah nau awmna hmun Gauhati High Court Chief Justice Pu Vijay Bishnoi uan vawiin khan a hawng a. Gauhati High Court Judge Pu Michael Zothankhuma leh Justice Kaushik Goswami, Judge, Gauhati High Court te'n an tawiawm bawk.

Creche vawiina hawn tak hi Mission Shakti, Aizawl Urban ICDS Project, hnuiaia Mizoram sorkar hmalaknaa din a ni a. Hmeichhia leh naupangte'n hamthatna tha zawk an dawn theihna tura din niin tihphuisui leh tihhlawhtlin zel a ni theih nan he project PALNA - Anganwadi Cum Creche hi siam a ni. UN hnuiaia sustainable development Goals 8-nain a sawi angin hna thianghlim leh zahawm hmanga ram ei leh bar tihhmasawn chu a tum ber a ni.

He scheme hnuiaiah hian naupang thla 6 atanga kum 6 inkar, nu hnathawh nei te'n he hmunah hian an hnathawh chhungin an fate an dah thei dawn a. A hmunah hian ei leh in tur leh an mutna tur bakah day care facility te Anganwadi nena tangkawpin naupangte enkawl na pek thin tur a ni dawn a ni.

Creche hawna hunah hian Mizoram Law secretary, WCD Secretary leh Director bakah High court officials leh High Court Bar a advocate te an tel a ni.

(CORR)

<><><>

SMALL BORE SEWERAGE

Aizawl khawpui tlak lam vek 11 thlanchhuah te ek thli lakhawma sawngbawl na tur project 'Small Bore Sewerage & Septage Treatment for Aizawl Zone -7' chu vawiin khan hawn a ni a,

A hawna inkhawm PHE leh UD&PA Department tangkawp buatsaih hi Urban Development & Poverty Alleviation Minister Pu K. Sapdanga, PHE Minister Prof. Lalnilawma leh bialtu MLA leh corporator te an tel a ni.

UD&PA Minister Pu K. Sapdanga chuan Small Bore Sewerage & Septage Treatment for Aizawl Zone -7 chu project pawimawh tak, hriselna khawih leh chona nasa tak kengtel a nih thu sawiin, project phurawm tak a nih avangin a thatna leh a tumte mipui hnena puanzar kawngah tanlak a tul hle dawn a ni, a ti a. Sawrkar hmalakna project lian leh pawimawh tak takte mipuite zirtir leh hrilhhriat kawngah tun aia tanlak leh zual a pawimawh thu sawiin, Sawrkar hotute chu a puanzar lam ngaipawimawh deuh deuh turin a chah a. Project kalpuina tur Aizawl west area-te vannei a tih thu sawiin, "Nitin khawsak leh nunna atana tangkai, dam chen khawih thil a nih avangin a phurawm a, a hlawhtlin theih nan pawh kan thawhho thiam a ngai dawn a ni," a ti. Zun leh ek thlite a lo thianghlim a, thianghlim leh hrisela chhuah leh theihna tura tanlak chu ngaih pawimawha neih a tul thu sawiin, project kalpui tur chu tha tak, a nihna ang taka hun ruat chhung ngeia zawh hman tum turin a chah a. A huamchhunga awmte'n tangkai taka an hman theih nan duhsakna a hlan a ni.

PHE Minister Prof. Lalnilawma chuan project khuhhawn tak chu PHE Department kaltlanga Sewerage & Septage project kalpui hmasak ber tur leh mipui vangtlang hriselna tura duan a nih thu sawiin, hei hi a huamchhung Aizawl tlak lam vengte thli bawlhhlawh sawngbawl na leh Aizawl tuilakna tihthianghlimna, tui hrisel petu tur a ni, a ti a. Project kalpui tur chu thli leh tangkai tawh lova langte tangkai zawka hman theih tura sawngbawl na, 'waste to wealth' ataka kalpuina tur a nih thu a sawi. Department project bik a nih loh thu leh a hlawkna teltu tur khawtlang mipuite ta a nih thu sawiin, a huamchhung vengte chu a bulthum atanga neitu thinlung pu chung a tawiawm vil pui turin a sawm a ni.

Zone-7 hnuai Local Council 11 Dawrpui, Chawnpui, Tuikual North, Tuikual South, Dinthar, Dawrpul Vengthar, Vaivakawn, Kanan, Khatla, Mission veng, Zarkaw) ah te he project hi kalpui tur niin, NGT zirchiannaah Aizawl tuilakna, Tlawng lui pawhtu Tuikual lui leh a pawhtu luikawrte tih thianghlim a tul avangin hmalak lehna hmasa atan Zone-7 hi thlan a ni.

(DIPR)

<><><>

EK PED MAA KE NAAM

Ek Ped Maa Ke Naam – Plant 4 Mother’ campaign hnuai thing phun rûnpui State hrang hranga kalpui mêkah vawiin khan Aizawl-a Information and Broadcasting Ministry hnuai Central Media Department ten All India Radio Transmitter Chawnpuiah thing tiak an phun.

Ramngaw humhalh leh humhim pawimawhzia inzirtirna leh hma la tura mi tin ten ke an pêh theih dân tur inkawh hmuhna a ni a, All India Radio Director leh Cluster Head Pu DR Lalropuia leh Doordarshan Kendra (DDK) Aizawl Director (News) Pu Nampibou Marinmai ten Thing tiak an phun a ni.

He hunah hian All India Radio, PIB leh CBC thawktu hrang hrangte an tel a, Akashvani Aizawl atangin Regional News Asst Director Pu Gin Gange, Head of Program Pu Samuel Z. Hrangate, Program Executive Pi Lalrammawii ten an phun a, PIB Media and Communication Officer Rajeev Lourembam leh CBC thawktute pawhin thingtiak hi an phun bawk a ni.

Plant 4 Mother hnuai hian thing phun rûnpui hi State hrang hrangah kalpui mêk niin state sawrkar hmalakna in hmun hrang hrangah thing hi phun tawh a ni a, Ek Ped Maa Ke Naam – Plant 4 Mother’ campaign hi Prime Minister Pu Narendra Modi-a’n kumin June ni 5, World Environment Day khân a hawng a, he campaign-ah hian India ram mipui zawng zawngte chu mahni nute puala thing tiak pakhat theuh tal phun turin Prime Minister hian a sâwm a ni.

(CORR)

<><><>

MNF FILES FIR

Mizoram State Commission for Women (MSCW) Chairperson atana ruat Pi C. Lalchhandami chu a pian kum chungchangah thildik tawklo a ti ni a ngaiin hemi chungchang chhui turin MNF Legal Board chuan Bawngkawn Police Stationah FIR an thehlut.

MNF Legal Board Vice Chairman Lalpianfela Chawngthu chuan vawiin khan Officer-in-Charge, Bawngkawn Police Station-ah Pu C. Lalrinpuia Advocate, Secretary MNF Gen.Hqrs.hmingin FIR an thehlut a ti a, Pi C.Lalchhandami chu a kum chungchangah thudik tawklo a awm niin an hria a, a pian kum Chiang lo chung Mizoram State Commission for Women (MSCW) a ruat a nih vanga hetianga ti hi an ti a ti.

MNF Legal Board chuan Pi C. Lalchhandami hi MSCW chairperson atangin September 9 tlai dar 5 hmaa bang turin an phut a, a ban loh chuan hmalak chhonzawm an tum thu an sawi a ni.

Heti hlan hian nimin piaha Women & Child Development changtu Minister Pi Lalrinpuui’n thuthar thehdarhtute a kawmna ah Mizoram State Commission for Women Chairperson Pi Lalchhandami chu Birth Certificate sawrkara a thehluh angah dan kalh a awmlo a ti a, Pi Lalchhandami chu kum 1960-a piang ani tiin a certificate thehluh chu pawmsak anih avangin tuna a hna chelh chu a thawk thei niin an ngai a ti a, mi tam tak chu Birth Certificate diktak leh sawrkar kum inmil lo fo an awm thin avangin zirchian mek ani a ti bawk.

Pi Lalrinpuui sawi danin Pi Lalchhandami chu mi rintlak tak niin an duhsak bik vang nilovin Chairperson tur an zawna ah tha bera an hriat avanga ruat anni tih a sawi bawk.

(CORR)

<><><>

MPCC PR

Mizoram Presdesh Congress Committee MPCC President Pu Lal Thanzara chuan Chief Minister in khawchhak unaute a duhsak thar ta viau chu hriatthiam har an ti tih a sawi a, hetihlai hian Zampui tlangdunga awm te erawh ration card atangin a paih leh si a, hei hi 'Bana kai' policy chu a ni em tih chu an zawna a ni a ti.

Wawiina Congress Bhavan-a ‘Friday Political Session’ ah thusawiin Pu Lal Thanzara chuan kalphung thar tiamtu ten chhiah an tisang ve dawnlo an tih hnuah oil leh thil dangah chhiah an tipung a, oil man ah tax an lekbelh tur hi kum khatah vaibelchhe 90 chuang mipuite hnen atangin an laksak dawn a, mipuite an rawk a ni ber, a ti bawk.

MPCC President chuan an party hotuten MNF thawhpui tawh loh tur an ti tih he hunah hian a sawi a ni.

MPCC Vice President, Pu C Ngunlianchunga, MLA pawhin thusawiin ZPM sorkarin oil man a tihsan avangin Ruang phurh chungchangah harsatna a thleng dawn a ti a, sawrkar rate siam angin Ambulance neitute an tlan duh dawn lo a, he harsatna sutkian dan hi a changtu Social Welfare Minister a zawh chuan a hre bik lo niin a sawi a ni.

(PR)

<><><>

PM

Prime Minister Narendra Modia chuan tui humhalhna tur hmalakna Jal Sanchay Jan Bhagidari Initiative Gujarat ah a hawng. PM Modia chuan tui humhalh leh renchem chu policy chauh niloin khawtlang tih ngei ngei tur thil a ni a ti a. Hna tha leh zahawm anih thu sawiin mitin mawhphurhna a ni a ti a. PM Modia chuan mipui tam zawk an inrawlh a tul thu sawiin hun lo kal zel tur atan thil pawimawh tak a ni a ti bawk. Pu Modia chuan hun lo kal tura chhuan lo awm zel ten tunlai mite sulhnu an thlir hunah tui an humhalh dan an en hmasa dawn a ti a. Tui humhalh chu nunna hnuk khawih thil a ni tih sawiin mihringte hmalam hun hril thei a ni a ti bawk. Vawiina Jal Sanchay Jan Bhagidari Initiative hawnaah hian nion Minister of Jal Shakti CR Patil and Gujarat Chief Minister Bhupendra Patel te pawh an tel a. He hmalakna hian Gujarat-ah ruahtui khawlna tur 24,800 chuang an siam dawn a ni.

(Newsonair)

<><><>

RUSSIAN PRESIDENT

Russian President Vladimir Putin-a chu India, Brazil leh China te chuan Ukraine buainaah remna siam tura hmalatu an ni thei a ti. Eastern Economic Forum (EEF) plenary session ah he thu hi sawiin Russian President chuan India, Brazil leh China te chuan Ukraine buaina chinfel anih theih nan theihtawp an chhuah a ti a. Pu Putina chuan India, CHina leh Brazil hruaitute nen Ukraine buainaah hian an inbe pawp reng tih sawiin heng ram hruaitute hian buaina chinfel hi an ngai pawimawh hle a ni a ti.

(Newsonair)

<><><>

INDIA MALDIVES

Defence Cooperation Dialogue wawi nga chu wawiin khan India leh Maldives ten New Delhi ah an hmang a. India aiawhte hi Defence Secretary Giridhar Aramane chuan hoin Maldives lam aiawh te hi Chief Of Defence Force General Ibrahim Hilmy chuan a rawn ho a ni. Defence Ministry sawidanin he inkawmnaah hian ram pahnihten ram venhimna lama an thawhdunna hrang hrang an sawiho a. Heng zingah hian defence project kal lai mek tihhlawhtlin a nih theih dan turte ngaihtuahho a ni. Defence Ministry sawidanin an inbiakna chuan rah tha tak chhuahin ram pahnihte ngaih pawimawh hun lo kal tura tangkai tak tak turte sawiho niin Indian Ocean Region ah remna leh hausakna a awm zel theih dan turte an sawiho a ni.

(Newsonair)

<><><>